

四庫全書

子部

欽定四庫全書

仁齋傷寒類書卷二卷四

宋 楊士瀛 撰

明 朱崇正 附遺

瀉痢

瀉痢方論

痢與瀉名目不同而感受之源一也風邪得之鼻壅惡風腰背強痛寒邪得之面慘惡寒肢體拘攣受暑得之面垢背寒自汗發渴受溫得之一身盡痛重着浮黃或

發熱何以明之太陽發熱則惡寒陽明發熱則自汗少陽發熱必有乾嘔之證矣熱邪在表病屬太陽此表熱而裏不熱也熱邪在裏病屬陽明此裏熱盛而達於表也若表證未罷邪氣傳裏裏未作實病在表證裏證之間若傳經之邪至於少陽病在二陽三陰之間其熱皆輕於純在表純在裏者也然而陽明裏實熱盛固當攻之以寒太陽風寒外搏陰盛惡寒雖熱尤當溫散少陽和解雖屬小柴胡微熱不渴者又

當加桂是不可無以權之雖然傷寒發熱病之常也
脉陰陽俱虛熱不止者仆下利發熱者殂汗後復熱
其脉躁疾為陰陽交此皆不治之證其可例視之乎
○太陽發熱惡風有汗桂枝湯惡寒無汗麻黃湯○
吐利發熱惡寒是為霍亂○發熱而渴自汗不惡寒
是為風溫若誤汗之必身灼熱煩渴獨語各有本條
○陽明發熱汗出脉實調胃承氣湯脉浮桂枝湯汗
多者胃汁乾急下之用大承氣湯○少陽發熱脉細

而嘔小柴胡湯○少陰反發熱有二證脉沉發熱者
麻黃細辛附子湯若下利厥逆裏寒外熱脉不出者
通脉四逆湯○身熱而不渴則為表熱小柴胡湯加
桂身熱而燥渴則為裏熱白虎加入參湯○無表裏
證發熱七八日脉雖浮數可大柴胡湯下之若下後
脉數不解消穀易飢不大便則為瘀血屬抵當湯

潮熱

熱潮屬胃下之和

大結胃家本例圖

咳逆利溏并表證

勿攻則用小柴胡

潮熱屬陽明一日一發日晡而作也若非日晡所發是謂其熱不潮蓋陽明旺於未申故爾惟屬陽明故潮熱為可下之證苟其脉或弦或浮大便秘或溏或利小便艱澀外證猶有惡寒則其熱未全入府並不可下但以小柴胡和解之是必表證已退大便鞭結小便如常乃可攻也

○日晡潮熱屬陽明經脉實可下證用小承氣湯大

柴胡湯脉虛不可下者與桂枝湯○大結胃潮一證却屬太陽用大陷胃湯○咳逆潮熱○大便溏利潮熱○表證潮熱並用小柴胡湯○腹滿不大便只用小承氣湯微利之勿令大泄○日晡潮熱甚者循衣摸床獨語如怪直視微喘脉弦者可治脉濇者不治脉不實不虛但用小柴胡湯

○冬陽明潮熱有時脉浮緊者無汗脉但浮必盜汗並用黃芩湯

寒熱

往來寒熱鬪陰陽

大小柴胡及桂薑

結熱心煩仍喜嘔

渴而頭汗用之良

陽不足則先寒後熱陰不足則先熱後寒寒熱往來者陰陽相勝邪正交爭而作也蓋陽不足則陰邪出於表而與之爭故陰勝而為寒陰不足則陽邪入於裏而與之爭故陽勝而為熱若邪氣在半表半裏之間則外與陽爭而為寒內與陰爭而為熱出入無拘

所以乍往乍來而間作也大抵邪居表多則多寒邪居裏多則多熱邪在半表半裏則寒熱相半此又可以知其受病之處用藥固自有條然小柴胡湯最主寒熱寒多者加桂熱結者加大黃脉不甚實而大便澁者加枳殼寒熱相半只守本方是亦活法雖然寒熱之方來如波濤之洶湧其勢有不容遏者當遲之一二日候少定而圖之經所謂其盛者可待衰而已是又不可不知

○病至十餘日結熱在裏往來寒熱大柴胡湯下之
○心煩喜嘔胃脇滿不欲食寒熱往來小柴胡湯或
血氣弱腠理開邪正交爭痰嘔甚者二陳湯○汗下
後不嘔而渴頭汗出胃脇滿小便不利寒熱往來柴
胡桂薑湯

寒熱似瘧

似瘧膀胱桂可醫 清便不嘔半麻枝

陽明實下浮須汗 血室柴胡小者奇

似瘧一名瘧狀作止有時非若寒熱往來或踈或數而作止無定時也凡感冒之人忽覺毛寒股慄筋節搜攣百骸鼓撼嘔不欲食其寒不可禦未幾復轉而發熱者此即溫瘧不必謂瘧脉自弦或洪數或緊實或虛緩或刮濇皆為瘧狀但以外證別之用藥固有本條然小柴胡湯如前斟酌加減亦是活法雖然血虛能生寒熱敗血亦作寒熱陰陽相勝雖一證各有一方其間當以川芎為佐

○太陽似瘧證脉洪浮與桂枝湯○清便自可不嘔
日一二發桂枝麻黃各半湯其脉微緩微浮則欲愈
也○陽明似瘧證煩熱汗出日晡發熱脉浮虛與桂
枝湯脉實與承氣湯○病人熱入血室其血必結如
瘧狀者小柴胡湯主之○瘧後寒熱或潮熱見瘧後
昏沉條○諸瘧通用二陳湯熱多者加川芎前胡寒
多者加川芎草果○餘見溫瘧

熱多寒少

熱多寒少治膀胱

不嘔清便各半湯

及脉若遲為血少

脉皆微弱號無陽

熱多寒少陽乘陰也其間三證並屬太陽脉浮緊者可汗或遲或弱皆和解之清便自可謂大便如常也○不嘔清便自可桂枝麻黃各半湯○尺脉遲血少者先以小建中加黃耆以養血俟脉不遲即以小柴胡桂枝二越婢一輩主之○諸脉皆微弱無陽者用桂枝二越婢一湯不可正汗

汗後寒熱

汗餘寒熱脉中論

若見憎寒法用溫

沉實當攻浮再表

風溫誤汗熱而煩

汗後寒熱邪氣未解徹也脉浮洪者邪在太陽法當再汗脉沉實者邪在陽明又須下之若厥陰餘熱加以下利厥逆惡寒四逆湯溫之無疑矣

○憎寒者屬厥陰大汗出熱不去拘急體疼下利厥逆四逆湯溫之○脉沉實者屬陽明得汗後如瘧狀

日晡而發大柴胡湯承氣湯下之若只惡寒則為虛
用芍藥甘草附子湯只發熱則為實大承氣湯○脉
浮洪者屬太陽汗後寒熱桂枝二麻黃一湯○風溫
不惡寒若誤發汗必身灼熱煩渴獨語姜薤湯○溫
家汗後火熱脉躁名陰陽交不治熱病已得汗而脉
躁盛亦不治詳見陰陽交條有再汗再下之劑

下後有熱

勞食
復附

下於汗後致傷榮

陰氣衰兮熱又生

瘥後熱名勞食復

心中痛者豉梔平

○大汗則損氣損氣則陽微脉虛而惡寒大下則傷血傷血則陰弱脉瀼而發熱誤汗誤下亦猶是爾且陰以陽為主陽以陰為根血陰也氣陽也血非氣使不能自行令也下之亡陽是陽不主陰矣陰無所主而寒氣搏之所以脉瀼寒極血虛所以發熱方方之劑其可輕乎

○汗後陽微而惡寒可四逆湯或用芍藥甘草附子

湯○下後陰弱而發熱是為內熱可葶藶苦酒湯○

瘥後勞復發熱小柴胡湯枳壳梔子湯獬鼠糞湯

雄即

鼠糞兩頭尖者

若脉浮則汗之用麻黃湯葱白湯脉實則下

之用承氣湯大柴胡湯證治論瘥後餘熱用柴胡桂枝湯下利腹鳴痞滿者生薑瀉心湯小便不利麥門冬湯○交接勞復外腎腫腹中絞痛竹皮湯勞役心力復熱用枳壳梔子湯小柴胡湯餘見陰陽易條○瘥後食復發熱枳實梔子湯加大黃粥飯傷飽或食

肉或餅脯硬物不消皆復熱也傷食必有痞滿噯氣
吞酸腹鳴下利等證可與生薑瀉心湯○下後身熱
而心中結痛梔子湯○飲酒復熱有本條

惡風

惡風汗出怯風吹

脉緩而浮但解肌

發汗亡陽成漏者

溫經之法莫遲疑

惡風者見風則怯密室之中無所惡也風傷衛氣衛
虛則腠理不密由是而汗出焉證雖屬表不可發汗

但微解肌而已衛者陽也惡風陽證也所以表怯而惡風蓋亦陽虛故陰邪出而乘之特其病在皮膚邪氣尚淺耳

○桂枝湯桂枝加葛根湯主之壯熱者與參蘇飲○發汗太過衛虛亡陽汗漏不止而惡風者法當溫經用桂枝附子湯或小便難四肢微急難以屈伸並用桂枝附子湯○身熱惡風項強脇滿手足溫而渴小柴胡湯○風濕惡風不欲去衣骨節間煩疼掣痛不

得屈伸汗出短氣小便不利或身微腫甘草附子湯

惡寒

惡寒發熱屬於陽

陰病憎寒體自涼

浮數桂枝并越婢

沉而細者理中湯

惡寒者不見風而怯寒身雖灼熱亦不欲去衣被也
此陰邪出而乘陽致之蓋寒傷榮氣榮行脉中居衛
之下是為表邪已深法當發汗間有一二自汗則其
表已虛但與解肌可也然而發熱惡寒者屬陽無熱

惡寒者屬陰在陽則發汗在陰則溫裏常須識之大
要惡寒皆為表證或裏證悉具而微惡寒者是表猶
未解當先解表俟不惡寒然後可以攻裏

惡寒家不可近火氣

及過覆衣被則寒熱相搏脉道沉伏愈
小寒不可過但服和表等劑溫而散之 ○發於陽者

脉浮數桂枝湯桂枝二越婢一湯麻黃湯青龍湯酌
量輕重用 ○太陽證發熱或未發熱皆惡寒有汗用
桂枝湯無汗用麻黃湯 ○陽明證固當下之惟惡寒
中寒者係與太陽合病在經屬表可汗用麻黃湯若

脉遲汗多微惡寒者表未解也雖陽明病可桂枝湯
○少陽證頭汗出微惡寒小柴胡湯加桂○發熱微
惡寒柴胡桂枝湯○汗後反惡寒者為虛芍藥甘草
附子湯○下後復發其汗心下痞而惡寒者表未解
也當先解表用桂枝湯表解然後攻痞用三黃瀉心
湯入生薑汁○發於臑者脉沉細理中湯四逆湯○
少陰證脉沉細用理中湯四逆湯若下利惡寒而蹇
手足溫者可治用小建中湯若惡寒而蹇時時自煩

不欲厚衣可大柴胡湯下之

背惡寒

背上憎寒值少陰

口和附子本條尋

舌乾口渴三陽合

白虎湯中好酌斟

背負陽腹抱陰背寒者陽弱也然背寒有陰陟二證
何以別之少陰一證以其陰寒氣盛不能消耗津液
故口中和三陽合病以其陽氣陷入津液為之乾焦
故舌乾口渴燥陰寒陽熱識者以口中潤燥推之思過

半矣

○口中和而背惡寒者屬少陰附子湯○舌乾口躁
內有熱證口中不仁而背惡寒者為三陽合病白虎
湯經云腹滿身重面垢譫語遺尿口中不仁為三陽
合病白虎加入參湯主之若自汗者亦用白虎加入
參湯○又陽明證背微惡寒無大熱口中燥渴者亦
用白虎加入參湯○中暑亦有背惡寒證但面垢自
汗脉虛而伏自有本條○凡脾胃素虛之人遇暑月

間或飲冷水或多喫茶或餐雪菓之屬易致生冷壞脾寒氣蓄聚陰上乘陽故寒從背起冷如掌大此當以溫藥主之

四逆

四逆須將腎證詳

病家手足但微涼

枳柴芍藥傳經劑

邪中陰經四逆湯

手足不溫謂之四逆陰經之邪主之太陰受病手足自溫傳至少陰則有手足四逆之證四逆之與厥冷

實相遠也或曰均是四逆耳而四逆湯散一寒一熱用藥何不類耶蓋手足自熱而至溫由溫而至四逆是傳經之邪非虛寒之候也四逆散主之若得病以來手足不溫便成厥逆此則陰經受邪陽氣之不足也可以四逆湯溫之脉診要當審此雖然吐利煩燥惡見四逆四逆下利惡寒而蹇並屬少陰又為不治之診故併及之○少陰四逆其人或欬或悸或小便不利或腹中痛滿或泄利下重並用四逆散○初病

以來厥冷四逆即用四逆湯○濕溫兩足脛逆冷有本條

厥

冷厥初來厥有源

沉遲而弱冷常存

熱深發厥初身熱

沉滑時乎指爪溫

陽氣伏藏陰氣越出陰陽不相順接所以厥也其手足逆冷之證乎蓋諸陽會於四末陽微而為陰所勝初病便厥者是為冷厥其脉沉遲按之則弱醒醒而

靜惡寒引衣足多攣卧或身上粟形或下利清穀也
熱伏於內先熱而後厥者是為熱厥脉必沉滑按之
則數昏塞狂言發渴引飲露手揭衣或燥不得眠或
大小便不利也外證皆可驗焉若先厥而後得熱是
則陰邪退而陽氣復矣傷寒熱多厥少其病當愈厥
多熱少其病則進下利發厥一條亦以厥者復熱為
有瘳熱者復厥為已甚蓋下虛則厥陰實使之陽長
陰消其可也雖然傷寒血證亦有四肢發厥以至昏

迷悶絕者此又不可不知至若少陰下利惡寒而拳手足厥冷與夫臟厥一證皆為不治之診厥之為厥可無辯乎○冷厥初病便作四肢逆冷足攣惡寒引衣自蓋不渴大小便滑泄外證默默而醒四逆湯理中湯通脉四逆湯白通加猪膽湯當歸四逆加茱萸生薑湯可選用○又痰厥氣厥腎厥用易簡芎辛湯○熱厥初病身熱然後發厥其人畏熱揚手擲足煩燥飲水頭汗大便秘小便赤悌鬱昏憤蓋當下失下

血氣不通故四肢逆冷所謂熱深則厥深所謂下證
悉具而見厥逆者此也與大承氣湯大柴胡湯或白
虎湯○熱厥與冷厥相類但指爪時溫為異耳若疑
似未明且以四順圓試之陽厥則有熱陰厥則無熱
○寒熱而厥者一手或兩手無脈面色昏昧不澤急
與五味子湯并麻黃細辛甘草湯人參調血通脈可
以為佐服無汗解則生投藥無汗或脈不至者不治
○水氣厥者心下怔忡茯苓甘草湯○邪氣結胃中

而厥者脉乍緊乍結心煩滿飢不欲食瓜蒂散吐之
○臟厥者七八日逆冷下利發躁無時暫安不治○
痰飲厥逆眩運少與三生飲

頭痛

頭疼惡冷太陽先

惡熱陽明膽絃

濕鼻塞兮痰膈滿

厥陰乾嘔吐清涎

頭痛屬三陽陽明少陽皆有之而太陽則專主是也
太陽專主頭痛則頭痛之屬表證者居多陽明少陽

又次而輕耳三陰經絡上不至頭故無頭痛惟厥陰
循喉嚨之後上連目系頂巔有頭痛乾嘔吐涎吳茱
萸湯一證却無身熱亦與陽證不同也雖然太陰少
陰其經從足至胷並無頭疼是固然爾然風溫病在
少陰濕溫病在太陰而頭反痛至於陰毒亦是又
某病則有某證脉絡相通不可拘也若夫頭痛劇甚
入連於腦手足俱寒此則真痛神丹在手其能救乎
○太陽頭疼發熱惡寒無汗麻黃湯有汗桂枝湯已

汗未汗頭痛如破連鬚葱白湯服之痛不止葛根葱
白湯○陽明頭疼不惡寒反惡熱胃實氣實攻於頭
也少與調胃承氣湯○少陽頭疼發熱脉弦細小柴
胡湯○濕頭疼鼻塞頭中寒濕也瓜蒂末納鼻中黃
水出則愈○痰涎頭疼胃膈滿發寒熱脉緊不大瓜
蒂散吐之可以痰證條參驗○厥陰頭疼乾嘔涎沫
吳茱萸湯若脉微浮為欲愈脾氣將復邪無所容不愈用桂枝
湯小建中湯若發熱似瘧亦欲愈桂枝麻黃各半湯

諸頭疼無熱如聖餅用生薑葱白煎湯下

項強

項強葛根主表強

表虛桂葛去麻黃

結胃須進陷胃劑

桂入括蕞瘞反張

傷寒頸項強急太陽表證也當發散而解之若誤下
太陽邪氣乘虛入裏則為結胃項強

○太陽病項背強無汗惡風為表實葛根湯項背強
發熱汗出惡風為表虛桂枝湯加葛根不加麻黃○

誤下太陽結胃項強大陷胃圓○太陽傷風復感寒濕身熱足寒頭搖口噤頸項強背反張其脉沉遲此為發瘥桂枝加栝蒌根湯○項強脇下滿小柴胡湯

咽痛

咽疼陽毒發成斑

肢冷咽瘡腎證看

脉緊無陽咽亦痛

脉微下利腎傷寒

咽喉不利或痛或瘡穀不入而嘔吐者毒氣上衝所致也陽毒必然發斑少陰四肢必冷其有下利者可

與甘桔湯半夏散入甘草生薑佐之其不利或小
便赤而去衣者可與甘桔湯入玄參枳殼使大便順
導則黑臭之毒泄矣續以甘草生薑煎湯調之甘草
生薑解其毒也腎病咽痛下利身猶熱者未可用四
順湯且與黃連龍骨湯即黃連雞子湯去雞子加龍
湯

○陽毒咽痛發斑唾膿血脉洪數用藥有本條○少
陰咽痛咽瘡脉沉遲厥冷或吐利又陰陽脉俱緊反

自汗為無陽法當咽痛而後吐利亦屬少陰並不可
汗下熏熨汗出以藁本粉傅之咽痛用甘桔湯猪膚
湯若沉冷甚者半夏散通脉四逆去芍藥加北梗與
之○咽疼通用甘桔湯上焦壅熱加枳殼北前胡○
腎傷寒一證乃非時暴寒中人伏於少陰之經頭疼
腰痛其脉微弱初咽痛以傷寒次必下利非咽閉之
比咽痛半夏桂甘湯即半夏散是也下利四逆湯或
四順湯下之○證治論口瘡赤爛用蜜浸黃櫨一宿

取汁含嚥熱甚升麻六物湯咽中閉塞烏扇湯○傷寒六七日大下之寸脉沉遲尺脉不至咽噤不利唾膿血手足厥利不止者難治麻黃升麻湯

身痛

身疼浮緊太陽臨

自利肝并腎帶沉

中濕毒陰與風濕

汗餘霍亂本條尋

○局方大柴胡證云邪結在裏大便秘澀心腹痛鞭者可服若身體疼痛是表證未解不可與之然則身

體疼痛不脉沉不自利太陽之表證明矣其或自利

脉沉此則陰證之身痛臟家之裏病云

身痛大抵多是表證

○太陽身痛脉浮緊無汗麻黃湯以汗之或尺脉遲者血不足也先用小建中湯以養之俟其尺脉浮即用麻黃湯太陽病七八日脉細惡寒為陰陽俱虛吐汗下並不可至再其人素無熱可芍藥甘草附子湯素有熱可黃耆建中湯○厥陰少陰身痛其脉沉必自利四逆湯真武湯附子湯○中濕一身盡痛不可

汗下但利小便有本條○陰毒身痛如被杖腹中絞痛脉沉而疾有本條○風濕一身痛重但微汗不可大發汗有本條○發汗後身痛脉沉遲桂枝加芍藥人參湯汗後身痛為寒邪在表脉沉遲為在裏用芍藥入榮人參安和真氣或用黃耆建中湯又汗後霍亂身痛不休少與桂枝湯

腹痛脹

腹痛腎分通脉湯

脾蕪表證桂加黃

實疼便秘結虛疼利

脹則陳皮梗夏良

陰邪在裏陽邪入裏與正氣搏則為腹痛所以痛者
有異焉脉實腹滿而大便秘者實痛也脉虛腸鳴而
大便泄者虛痛也陰陽異證用藥不同大抵痛為邪
氣實法當疏利陰受病則金液詠養正丹輩溫而利
之○少陰腹痛四逆或欬或悸或小便不利或泄利
下重四逆散下利清穀脉微欲絕通脉四逆湯腹痛
小便不利用真武湯○誤下太陽因而腹滿時痛是

有表復有裏為太陰太陽俱病用桂枝加芍藥湯痛甚桂枝加大黃湯○實痛者關脉實煩燥腹滿大便秘結桂枝加大黃湯小承氣湯胃中熱胃中邪氣腹痛欲嘔吐則用黃連湯○虛痛者寸脉濇尺脉弦腸鳴泄利先與小建中湯不瘥小柴胡去黃芩加芍藥與之易簡用建中湯加遠志腹中冷痛四肢厥逆用萸附湯○腹脹者陰陽不和也桔梗半夏湯最良

奔豚動氣

奔豚動氣數般

關

左右高低細揣量

玄術理中并

關

不堪汗下例中詳

動氣者臟氣不調築觸而動隨臟所主而形見於臍之左右上下也大抵真氣內虛水結不散氣與之搏即發奔豚以其走痛衝突如豚之奔雖有發表攻裏之證汗之下之並不可也然而不言當臍動氣者何耶蓋胃為中州以主津液妄施汗下必先動脾是以不言而喻也舉此動氣非問證何以知之然則調理

傷寒貴乎纖悉問證

動氣諸藥詳見不可汗不可下條例中

○太陽病下之後氣上衝者桂枝湯若不上衝不可與也若從小腹上衝於心桂枝加桂湯○發汗後臍下悸者欲作奔豚伏苓桂甘大黃湯○動氣通用理中湯去朮加桂蓋桂利小便泄奔豚故也奔豚一名腎氣白朮燥腎閉氣是以去之○吐汗下後心下逆滿氣上衝胃起即頭眩其脉沉緊誤汗之則動經故其身振振搖動伏苓桂甘白朮湯主之此方用白朮

者蓋以誤汗動經故用白朮閉其汗也○奔豚動氣
脉沉弱肢體冷可與養正丹○動氣証治論用柴胡
桂枝湯

腹滿

腹滿脾家及胃家

三陽合病口頑麻

入邪吐汗下之後

腎証便堅承氣加

腹滿多屬太陰蓋脾為中央土所以主腹滿之候腹
中常滿者裏實而可下時滿時減者裏虛不可下當

以溫藥和之其有吐汗下後因成腹滿者此則邪氣乘虛而入或踈利或溫散或湧吐條例又不同焉審其邪氣之所起知其邪氣之所在斯可矣雖然太陰主腹滿固也陽熱為邪必腹滿而咽乾陰寒為邪必腹滿吐食而自利一熱一寒又不可以無別若夫腹滿而泄難以有瘳

○太陰腹滿吐食不可下枳實理中丸主之誤下太陽因而腹滿時痛為太陰太陽俱病桂枝大黃湯重

者桂枝加大黃湯○陽明發熱腹滿微喘口苦咽乾
或不大便譫語火迫者亦有此證並小柴胡湯噦而
小便難加伏苓又陽明腹大滿不大便小承氣湯微
下之陽明脉遲腹滿時喘潮熱亦用小承氣湯發黃
證有本條○三陽合病腹滿身重難以轉側譫語口
中不仁少與白虎湯○吐後腹脹滿常不減者胃中
之邪下傳入胃擁而為實也少與調胃承氣湯○汗
後腹脹滿者胃虛而不能敷布諸氣壅滯也厚朴生

薑半夏人參甘草湯若滿而痛則小承氣湯微下之
○妄下後腹脹滿心煩而卧起不安者表邪乘虛而
入鬱於胃中也梔子厚朴湯○少陰病六七日腹脹
滿不大便承氣湯急下之○腹脹通用桔梗半夏湯
○腹皮痛者脾不勝水故水與氣搏於皮肉之間觀
其腸鳴漉漉可知矣小半夏茯苓湯加官桂伏苓○
腹脹滿而短氣者邪在裏而為實也腹濡滿而短氣
者邪在裏而為虛也見氣短條

○腹滿用藥皆去白朮朮溫燥而閉氣也

胃脇滿

胃滿多將表証看

半居表裏脇間堅

虛煩客熱須梔豉

瓜蒂拈來吐冷涎

胃滿者胃脘間氣塞滿悶非心下滿也脇滿者脇肋下氣脹填滿非腹中滿也胃滿多帶表証脇滿多在半表半裏之間○太陽病下後脉促胃滿桂枝去芍藥湯病在衛氣芍藥入榮其性利故去之○陽明喘

而胃滿此猶帶表証不可下可與麻黃湯○胃脇俱滿或脇下鞭痛此半表半裏之証並用小柴胡湯和解之○胃中虛煩客熱或經汗下後煩熱窒塞氣逆搶心並梔子豉湯吐之若氣乏則與梔子甘草湯若嘔則與梔子生薑湯○胃中痰實宿寒瓜蒂散吐之○又陽明病心下鞭滿不可下下之遂利不止而死法當湧吐詳見結胃解題此則胃中虛而氣痞也或用半夏瀉心湯生薑瀉心湯○孫用和云胃滿則諸

瀉心湯審証用○邪氣留於胃中法當湧吐其高者
因而越之是爾然有吐汗下後邪氣乘虛入而為煩
是則胃中客熱以梔子豉湯吐之此吐劑之輕者也
不經發汗吐下邪氣留聚煩滿痰實是則胃中宿寒
以瓜蒂散吐之此吐劑之重者也均之為吐又當權
衡

脇疼

脇疼多屬少陽家

燥糞陽明並小柴

裏水痞堅須十棗

陰筋引痛臟中乖

脇肋痛滿者邪氣在半表半裏之間也邪方傳裏未
留為實氣鬱不行法當和解若夫裏水痛堅非下之
不可也

○少陽病脇痛耳聾寒熱乾嘔或脇下堅滿並用小
柴胡湯和解之○陽明病不解轉入少陽脇下堅滿
乾嘔小柴胡湯又陽明燥糞不大便脇下堅滿舌上
胎滑小柴胡湯○太陽病咳嗽乾嘔微利心下痞鞭

引脇下痛身涼汗出或時頭疼此為表解裏有水十棗湯下之○病者脇下痛素有痞積在於臍傍引小腹入陰筋俱作痛此為臟結不治

自汗

自汗傷風暑不消

風溫風濕衛難調

無陽霍亂并柔瘕

更與陽明共九條

衛氣所以蜜腠理而固津液也衛為邪所干不能護衛於見而汗出焉寒傷榮氣汗獨無之惟風暑濕之

邪有干於衛皆為自汗之証也若夫寒已入裏寒極生熱熱則榮衛通腠理開又為陽明自汗是其熱越而汗出矣治法各自有條然而汗出以至髮潤或汗出如油或汗出如珠凝而不流此皆不救他病見之亦然

○太陽傷風自汗脉浮緩者桂枝湯汗出而渴或小便難者五苓散不渴者伏苓甘草湯自汗小便數者勿用桂枝惟芍藥甘草湯主之自汗小便不數心煩

微惡寒脚攣急桂枝附子湯加人參參以調榮脚必伸也○太陽中暑汗出惡寒身熱而渴香薷散白虎湯或用小柴胡湯○風溫多眠喘息自汗若誤汗之必身灼熱譫語並用姜蕤湯○風濕額上自汗關節痛重怛微解飢通用敗毒散

餘見本條

○衛不和者臟無

他病時發熱自汗出桂枝湯○亡陽者太陽証發汗多漏不止而惡風用桂枝加附子湯又少陰証尺寸脉緊反有汗出額上手背冷汗為亡陽主咽痛吐利

四肢疼急厥逆惡寒用四逆湯汗多不止溫粉撲之
若汗不止惡風煩燥不得卧先服防風白朮牡蠣湯
次服小建中湯咽痛通用甘桔湯猪膚湯○霍亂吐
利汗出發熱惡寒手足拘急厥冷四逆湯又中暑霍
亂煩渴香薷散○柔痙太陽病身項反張口噤瘈瘲
發熱汗出小續命湯○陽明汗多而渴發熱譫語大
便硬調胃承氣湯若小便自利而汗出者為津液少
不可攻但用蜜導若汗多者胃汗乾急下大承氣湯

陽明汗多而渴勿用五苓散陽明反無汗脉浮而喘

麻黃湯

無汗

無汗因寒中太陽 三陰剛症証中詳

冬陽明病兼陰易 七例推尋各有方

腠理為風暑溫所干皆令自汗惟寒邪中經腠理密
緻則津液內滲獨無汗焉此特傷寒在表然耳若陰
病若水飲與夫亡陽久虛亦皆無汗隨証各自有條

惟熱病脉躁盛而不得汗此陽亢也當汗無汗與麻黃湯三數劑而汗不出者此亦不可活也知其可進則進知其不可則已之君請擇斯二者○小柴胡湯証云陰病不得有汗蓋三陰證本無汗其或有汗者亡陽也○冬陽明脉浮緊者必發潮熱脉但浮者必有盜汗黃苓湯主之○盜汗者邪氣方侵於裏尚連於表睡則衛氣行裏而表陽不緻因其表陽不緻故津液得泄覺則氣散而週於表腠理閉焉汗復止也

是之謂盜汗此邪在半表半裏之間法當和表○餘証無汗治法各有本條

頭汗出

頭汗諸陽氣上蒸

身黃尿秘引漿頻

心忪水結譫言血

表裏柴胡小是珍

諸陽之經循於頭三陰則至頸而還也裏虛表實腠理蜜緻熱不得越故陽氣上騰津液上湊而汗出於頭抑亦胞虛內涸使然耳夫裏虛則不可下內涸則

不可汗頭汗之証無所謂表邪汗之斷不可也若夫陽明熱入血室燥糞譫語俟其過經利之以小承氣湯是可無以權之哉大抵寒濕相搏與夫邪在半表半裏之間則有頭汗設或小便不利內外關格頭汗則為陽脫誤下濕家額上汗出而喘或小便不利大便自利亦為陽脫二者皆不可活臨診又當審斯

○發黃証頭汗及頸而止小便難引水漿此受濕也茵陳湯五苓散主之○水結胃証心下忪滿無大熱

頭汗出小半夏加茯苓湯○譌言頭汗是為血熱病
屬陽明可承氣湯若心中懊懣而頭汗者梔子豉湯
○半在表半在裏及餘証並小柴胡湯寒熱往來微
惡寒為表脇下滿大便堅為裏○汗下後胃滿微結
寒熱心煩嘔渴為表未解柴胡桂枝乾薑湯或柴胡
桂枝湯

手足汗

手足如何汗不休
胃中熱聚液旁流

熱家燥糞為譫語

寒証難教水穀留

手足汗者熱聚於胃而津液之旁達也亦有寒聚於胃致之挾寒則水穀不分蘊熱則燥糞譫語

○陽明病手足熱熱汗出譫語大便難此熱証也與承氣湯下之

○陽明中寒不能食小便不利手足濇然汗出大便初鞭後溏水穀不分則不可下少與理中湯

不得汗

汗之不得亦須蒸

躁盛還無未必生

身痒浮遲惟各半

陽明虛証若蟲行

傷寒欲得汗與麻黃湯數劑而汗不出者不治熱病
脉躁盛而不得汗諸陽之極亦不治二者蓋真病也
亦有寒熱而厥忽兩手或一手無脉是猶重陰欲雨
之時必濺濺然大汗而解其或投藥無汗而脉不至
者亦不可活也是可以容易談哉雖然諸虛少血津
液中乾亦不能作汗病人有挾宿恙如痰飲癥癖之

類又隔汗而不能出也少血者養血以汗之痰癖者
開關散氣以汗之是為活法若夫汗出如油喘而不
休未有能生者也

○服藥不得汗當用蒸法燒地令熱去其火以水洒
之用桃栢葉蚕沙糠麩夾和鋪地厚三寸許上鋪席
令病人仰卧衣被覆之片時周身至脚心皆汗出乃
用溫粉撲即移上床○身痒脉浮遲為氣虛亡陽不
能作汗桂枝麻黃各半湯主之○陽明反無汗皮中

如蟲行以久虛也朮附湯黃耆建中湯○凡發汗須令上下周遍身上衣被如常腰以下厚蓋之若蓋覆不周汗出不匝不流必致肢體攣搐可與牛蒡根散不可汗

不堪汗者脉微遲

溫濕虛煩壞病推

經水忽來兼失血

臍間動氣並如之

病在表而脉浮者可汗表證悉具若發渴若脉不浮是表猶帶裏也未可汗之傷寒不可汗條例最多其

可汗者大抵脉證全在表也表固可汗然汗之太早
太過或者津液泄而變生焉至於當下而誤汗則為
亡陽為譏語為下厥上竭等證其害人又速耳設或
誤汗則真武湯以救解之羸甚者去芍藥有熱者去
附子吁此救兵也謹之謹之

表中風寒裏則不消裏
病表熱者雖無陽證可

以小辛之劑微
汗而溫散之

○脉微弱為亡陽不可汗用桂枝二越婢一湯尺脉
遲為血少榮氣不足也不可發汗先與黃耆建中湯

以養血俟其脉不遲即以小柴胡湯桂枝二越婢一湯和解之○風溫濕溫各有本條○虛煩似傷寒却不惡寒身不疼脉不緊並不可汗下可竹葉湯或小柴胡湯○壞病者此汗下溫不解知犯何逆以法治之並不可汗下小柴胡加減○經水適下表裏俱虛不可汗小柴胡湯主之衄血下血雖脉浮緊無汗然衄者欲愈下者亦欲愈不愈則用桂枝湯但不可發汗○腹中左右上下動氣築觸並不可汗下證治論

用柴胡桂枝湯動在左發汗則頭眩汗不止筋惕肉
瞤為逆先服防風白朮牡蠣湯汗止以建中湯與之
動在右發汗則衄而渴心苦煩飲則吐先五苓散次
竹葉湯動在上發汗則氣上衝心棗根湯動在下發
汗則心中大煩骨節煩疼頭痛目運入食即吐先用
大吉皮湯止吐次小建中湯○下利清穀用理中湯
或大便不通者皆不可汗○惡寒脉浮此為表證若
渴則邪欲入裏不可汗○咽乾喉塞亡血淋家衄家

瘡家動氣並不可汗證治論皆用小柴胡湯厥逆不可汗當歸四逆湯

不可下

不可攻浮及細虛

惡寒嘔吐與之俱

小便自利并清少

有表仍兼失氣無

病在裏而脉實者可下裏証悉具若惡寒若脉不實是裏猶帶表也未可下之傷寒不可下條例最多其可下者大抵脉証全在裏也裏固可下然下之太早


太過或者水穀脫而變生焉至於當汗而誤下則為痞氣為懊懷為結胃等証其害人又速耳設或誤下則理中湯丸以救解之或裏煩則少加烏梅或轉損厥逆則兼與四逆湯輩吁此救兵也謹之謹之○脉來細小固不可下若細小而牢緊又可下也

○脉浮病在表不可下結胃脉浮大不可下○脉細虛或遲緩或尺部瀋弱此凡皆為血氣衰不可下也○惡寒者表之虛証雖陽明惡寒則與太陽合病屬

表可汗不可下若少陰証惡寒則溫之○嘔吐者雖有陽明證謹不可下小柴胡加生薑主之○小便自利汗出者津液竭糞雖硬屬陽明但用蜜導而出也猪膽汁亦可導也○脾約証大便堅小便數者枳實脾約丸○大便堅小便清者熱不在裏雖不大便不可下可桂枝湯汗之○少陰証小便白為下焦虛寒用四逆湯○大便堅小便少者津液還入胃必先鞭後澹不久自出惟小便如常乃可下之○有表証脉

帶浮或惡寒或猶生寒熱並不可下○不轉失氣謂
不下泄也不下泄則先鞭後澹不可下大抵陽明躁
糞欲下之先與小承氣湯若轉失氣則必先澹後鞭
更進一劑不轉失氣則止又陽明譫語潮熱脉疾與
小承氣湯不轉失氣則與小柴胡湯若次日又不大
便而脉濇則為裏虛黃耆建中湯主之凡陽証而脉
濇謹不可下○頭汗出為津液少胞中虛不可下唯
陽明譫語血熱頭汗則可下○諸虛少血厥逆喉閉

嘔吐亡陽陰實動氣皆不可下虛家附子湯厥逆當
歸四逆湯咽痛閉塞烏扇湯嘔吐小半夏加吉皮湯
無陽陰實而大便鞭者下之必清穀腹滿但用蜜導
○左動氣下之則腹滿拘急氣愈動身雖熱反欲拳
先甘草乾薑湯次小建中湯○右動氣下之則津液
竭咽鼻乾頭眩心悸竹葉湯○上動氣下之則握掌
熱煩汗出欲灌水竹葉湯○下動氣下之則腹滿清
穀心痞頭眩甘草瀉心湯



仁齋傷寒類書卷四

欽定四庫全書

子部

仁齋傷寒類書卷五

詳校官太醫院使臣張肇基

編修臣倉聖脈覆勘

覆校官中書臣朱鈴

校對官主簿臣汪日贊

謄錄監生臣張炳

欽定四庫全書

仁齋傷寒類書卷五

宋 楊士瀛 撰

明 朱宗正 附遺

懊懷

懷平仄
兩音

懊懷心堅用陷胃

舌間胎白鼓梔供

發黃須與茵陳輩

燥糞陽明承氣攻

懊懷者懊惱鬱悶之狀益由表証誤下正氣內虛於是客氣乘虛入而動膈煩鬱微疼特未至結胃之甚

也由懊懷而結胃亦不難矣

○短氣煩燥胃中懊懷心下困鞭則為結胃用陷胃湯○舌上白胎虛煩不得眠心下懊懷或飢不能食頭汗出此邪熱鬱於胃中也並梔子豉湯吐之○陽明病下之後懊懷而煩胃中有燥糞此熱結於胃也承氣湯攻之○陽明無汗小便不利心中懊懷者必發黃用茵陳湯是則胃中邪熱前後二部俱泄之也

痞

痞滿關沉痛不侵

關浮肝熱用連苓

惡寒勿下先投桂

痞利餘糧及瀉心

當汗誤下或病屬陰而反下之輕則為痞其狀心下
滿而不痛按之則濡是其虛邪留滯故但滿而不痛
也通用枳殼桔梗最良若欲攻之亦須表証已解則
可矣

○痞滿關脉多沉枳實理中丸半夏瀉心湯主之桔
梗枳殼湯尤妙○關脉浮而痞此為肝熱用三黃湯

欽定四庫全書

金匱要略卷五

瀉其肝若或惡寒汗出三黃湯加附子名附子瀉心
湯服湯後痞不去煩渴小便不利五苓散主之○下
後復汗心下痞而惡寒者表未解不可攻痞當先
與桂枝湯表解乃可攻痞用三黃湯表未解而心下
妨悶曰支結用柴胡桂枝湯胃脘滿而微結小柴胡
加乾薑牡蠣湯表証在數下之協熱而利心下痞鞭
表裏俱病桂枝人參湯○下利心下痞鞭乾噎食臭
腹鳴甘草瀉心湯生薑瀉心湯証治論用桂枝人參

湯若利不止則治下焦用赤石脂禹餘糧湯又不止
即利小使用五苓散○發熱汗出不解嘔吐下利心
中痞鞭用大柴胡湯下之此太陽証○吐汗下後嘔
氣痞鞭旋覆代赭湯若咳逆氣虛則先用四逆湯胃
寒則先用理中丸後用旋覆代赭湯若虛煩心下痞
薄氣上衝胃頭眩經脈動身振搖伏苓桂枝白朮甘
草湯○十棗湯証須是身涼表解脇疼而痞則可用

結胃

結胃痛硬滿其中

大小隨名用陷胃

熱實多煩寒不熱

水兼浮脉豈容攻

凡病發於陽而下之早或當汗而誤下外証項強心
下滿硬而痛者結胃也結胃痛硬是為實邪在裏法
當下之若脉浮大若表証若水氣戒不可下亦有不
經下劑而心下鞭滿者此又有可吐可下不同焉經
曰病人手足厥脉乍緊邪結胃中心滿而煩飢不入
食當吐之是則病在胃中故也經曰陽明病心下鞭

滿不可下下之遂利不止而死是則邪氣自表傳重
留於心下未全為實法當吐之故有此戒也審如是
則經所謂高者因而越之是爾吐下界限判然天壤
安可以結胃裏實例論之乎要之結胃治法大要審
其邪氣所在而已矣或曰結胃証具加煩燥而不治
者何此胃氣絕也胃氣既絕安能布藥力以勝邪也
哉○凡病在胃膈者上脫澎湃痰壅氣促粥藥不能
下咽

○結胃寸脉浮關尺皆沉或沉緊俱當下若脉浮大或有表証則先用小柴胡湯表已解即下之○大結胃不按而痛胃連臍腹痛硬不可近大陷胃湯陷胃湯太峻合用者只與陷胃丸○小結胃按之而痛只心下硬用小陷胃湯○熱實結胃懊懷煩渴心下痛少與大陷胃湯○寒實結胃無熱証三物白散枳實理中湯丸○水結胃心下怔忡頭汗出無大熱小半夏加茯苓湯小柴胡去棗加干礪湯○臟結亦是結

胃一種但舌上胎滑時時下利陰筋引痛有本條○
病人血結胃此熱入血室見譌語條下膿血條○結
胃先理其氣用桔梗枳殼湯枳實理中湯渴者加括
萸根證治論諸藥不愈用增損理中丸凡結胃理氣
已平旋腹大便澀者須利導之否則熱邪結為塊血
○誤下後未成結胃急與理中湯救解○陰毒陽毒
隨氣逆上伏於胃中亦有結胃痛硬之證治法詳見
本條

氣短

氣短裏實熱來潮

風濕溲難汗自流

停水心間并裏水

太陽誤下結胃痞

氣短者呼吸短促而不能相續是也其間呼多吸少皆不救焉千金曰少氣不足以息者危金匱曰短氣不足以息者實大抵短氣為實亦有表裏虛實之差心腹脹滿而短氣者邪在裏而為實也心腹濡滿而短氣者邪在表而為虛也其或怔忡氣短此則心下

停水致之體認不精其差千里信矣哉○氣短潮熱
腹滿而喘此為外欲解而裏實小承氣湯大柴胡湯
○風濕相搏汗出短氣小便不利惡風不欲去衣其
邪在表甘草附子湯○食少飲多水停心下亦令氣
短小半夏湯○身涼乾嘔短氣汗出不惡寒此表解
而裏有水十棗湯○誤下太陽短氣煩燥心中懊惱
因鞭硬為結胃大陷胃湯丸

更發黃
一證

喘

喘不熱熱解表家

汗多潮熱裏攻邪

滿胃合病尤須汗

水嗽青龍杏去麻

內經云肺氣實則喘逆上氣所以氣逆者邪氣為實耳傷寒發喘邪氣在表者心腹濡而不堅外證無汗法當汗之邪氣在裏者心腹脹而為滿外證有汗法當下之又有水氣作喘心下怔忡即水為邪是以有小青龍之證若經汗下逐水不獲痊愈喘促上攻壅塞而不得息可以瓜蒂散從權吐之吁喘特病之常

也其或直視譫語而喘汗出髮潤而喘身汗如油而喘皆不可救此邪氣內盛而正氣欲絕也臨機對境盡消息焉○麻黃寧主喘喘家湯劑多用麻黃

○太陽證無汗而喘麻黃湯或誤下之利不止脉促有汗而喘葛根黃芩黃連湯下之微喘者桂枝加厚朴杏子湯發汗後不可更行桂枝湯若汗出而喘無大熱者麻黃杏仁甘草石膏湯○陽明證汗出不惡寒氣短腹滿潮熱而喘小承氣湯若脉浮無汗而喘

即汗之用麻黃湯○太陽陽明合病喘而胃滿勿下
可麻黃湯○水氣嗽喘乃太陽汗後飲水多而水停
心下小青龍去麻黃加杏仁主之小腹滿者小青龍
去麻黃加茯苓○陰證喘則必促脉伏而厥返陰丹
五味子湯○鼻息鳴喘氣逆上衝孫用和用麻黃湯
加吉皮杏子久喘咳嗽感冒鼻涕易簡九寶湯

咳嗽

嗽家嘔喘屬膀胱

寒熱胃堅值少陽

若是少陰頻下利 四肢沉重更清涼

凡肺主氣氣逆而不下則嗽熱邪乘之氣則燥鬱寒邪乘之氣則冷滯水飲乘之又與氣搏熱寒水飲皆生痰壅嗽之所從始乎陰陽治法固自有條其間水咳三證不可無辨小青龍湯太陽之表水也十棗湯太陽之裏水也真武湯陰證之水氣也常須識之雖然古人一藥對一病所主安在哉曰水與表寒相合而咳則小青龍法之水與裏寒相合而咳則真武湯

溫之裏癖合水動肺而嗽馬十棗所以下之也

○太陽病身熱嗽喘心下怔忡乾嘔微利此水氣在表小青龍湯小便不利小腹滿者去麻黃加伏苓發熱惡寒身體痛者只依本方若身涼咳嗽乾嘔微利心下痞滿引脇疼痛為裏有水十棗湯○少陽病寒熱往來胃脇鞅滿而痛咳嗽小柴胡湯或微利去人參生姜棗加五味子乾姜○少陰病水氣咳嗽四肢痛重腹痛下利或嘔真武湯加五味子乾姜細辛少

哕咳而四逆或腹痛或泄利或悸四逆散加五味子
乾姜少哕咳而嘔渴心煩不得眠下利猪苓湯○熱
咳金沸草散或唾膿血小柴胡加黃芩或黑豆入生
姜煎湯○咳嗽頭痛不惡寒身大熱若臍腹亦有熱
而內作痛者須下之用大柴胡湯張氏曰發汗不解
腹滿痛者急下之可大承氣湯又曰腹中滿痛此為
實大柴胡下之○咳嗽中滿而嘔用大半夏湯解利
以後胃寒不食則理中湯加橘皮半夏茯苓細辛五

味子痰多二陳湯加細辛五味子治嗽通用大橘皮湯

咳逆

咳逆垂危苦胃寒

橘姜苓夏勝靈丹

不痊乳下應須灸

腹滿之時療已難

咳逆俗謂之噫古人謂之噦蓋胃氣本虛吐下太過或復與之水以發其汗胃虛氣逆噫噦生焉病勢至此極矣雖然咳逆出於胃寒固也其有水挾寒氣擊

搏而成者則茯苓半夏逐水主噫官桂丁香下氣禦寒又有熱氣擁鬱氣不得通而成者則小柴胡加生姜自有條例惟是噦而腹滿不得小便或後部不通此為真病雖有神醫末如之何

○橘皮乾姜湯羌活附子散半夏生姜湯退陰散主之以意擇用不瘥即灸乳下其法婦人屈乳頭向下盡處骨間三壯丈夫乳小以一指為率亦三壯男左女右艾員如小豆許大抵乳直下陷中有動脈處是

詳見下膿血條○證治論嘔噦手足逆冷小橘皮湯
若加胃滿虛煩不安大橘皮湯○陽證咳逆潮熱小
柴胡湯加生姜吉皮竹茹湯仍視其大小便何部不
調即通利之○噦而腹滿大便不利小承氣湯噦而
腹滿小便不利猪苓湯○秋明傷風脉弦浮小便難
潮熱而噦小柴胡加茯苓湯○易簡論傷寒咳逆為
篤證他病見之亦然以半夏生姜湯主之又方丁香
甘草煎湯調蘇合香丸大抵咳逆不止者不可救藥

○水氣乘肺亦主噫逆微咳當以表水裏水法治之
見咳嗽條

乾嘔

乾嘔身熱小青龍

涎沫茱萸汗桂供

下利白通并四逆

脇疼十棗裏之攻

乾嘔者嘔而無物出也大抵熱在胃脘與穀氣并熱
氣上熏心下痞結則嘔而無所出焉少陰下利姜附
主下利也厥陰吐沫茱萸主涎沫也汗出乾嘔桂枝

主自汗也邪去則嘔者定矣若夫水氣二證又當以表裏分之發熱欬喘而乾嘔者此則水氣在表與青龍湯不發熱不惡寒脇痛咳利而乾嘔者此則水氣在裏與十棗湯是又不可無別然而表水裏水皆有欬嗽何耶曰水氣乘肺也

○表不解心下水氣身熱乾嘔微喘或利小青龍汗之○乾嘔吐涎沫頭痛一云少陰一云厥陰並吳茱萸湯得湯反劇者則與小柴胡湯○汗出頭痛乾嘔

桂枝湯○少陰下利乾嘔脉微白通湯利不止乾嘔

而煩厥逆無脉白通加猪苓

闕

湯裏寒外熱脉微欲

絕或乾嘔通脉四逆湯○身涼汗出脇疼乾嘔心下

痞硬短氣欬而微利不惡寒無表證此裏有水十棗

湯下之○膈上有寒飲乾嘔亦屬少陰用四逆湯○

證治論乾嘔而利黃芩半夏生姜湯○胃中似喘不

喘似嘔不嘔似噦不噦憤憤然無奈者生姜半夏湯

嘔吐

嘔吐陽明氣逆行

數為胃熱緩寒生

太陽合病利不利

腎證三條各有評

表邪傳裏裏氣上逆則為嘔吐水穀不下是也傷寒嘔吐有胃熱有胃寒有水氣有膿血辨是四者而已胃熱者脉數或緊必有口苦舌乾煩渴之證胃寒者脉弦而遲必有逆冷不食大小便自利之證水氣者先渴後嘔膈滿怔忡若胃脘膿血則腥氣燥氣奔逆上衝經所謂嘔家有癰膿不須治膿盡自愈又謂服

桂枝湯吐者其後必吐膿血是矣大抵嘔吐皆有所
出已下咽而出者嘔也未下咽而出者吐也吐特甚
於嘔耳若槩以嘔無所出則其間所謂乾嘔者獨何
耶嘔吐多屬陽明氣逆而上行戒不可下汗後水藥
不入口者逆嘔而脉弱小便自利微熱而厥者虛極
難調也生薑嘔家聖藥熱燥者烏梅代之

○陽明嘔吐小柴胡湯加生薑主之陽證通用嘔而
發熱小柴胡湯嘔而渴猪苓湯先嘔後渴此為欲解

急與水解先渴後嘔為心下停水赤茯苓湯汗後或
瘥後胃脘餘熱虛煩嘔吐竹葉湯加生薑汁吐汗下
後虛煩不得眠而嘔梔子生薑湯○寸脉數煩熱而
吐為胃熱五苓散竹茹湯小柴胡湯○汗下後關脉
遲緩而吐為胃寒理中湯正氣散加生薑寒多不飲
水而吐理中湯去朮加生薑○太陽少陽合病自利
而嘔黃芩加半夏生薑湯○太陽陽明合病當自利
若不利但嘔葛根加半夏湯胃中有熱胃中有邪氣

腹痛氣逆欲嘔黃連湯○太陽發熱汗出心下煩鬱
痞鞭下利嘔吐大柴胡湯○少陰嘔證四逆湯加生
薑水氣或欬或悸身痛自利真武湯去附子加生薑
膈上寒飲乾嘔吐涎沫四逆湯若更吐利手足逆冷
煩躁甚者吳茱萸湯又手足寒心中溫溫欲吐不得
吐脉弦遲為胃中實可吐之或用半夏湯入生薑汁
並屬少陰○溫毒發斑心悶而嘔身熱足冷有本條
○水逆證渴欲飲水水入即吐小腸不利故也五苓

散小半夏茯苓湯○金匱云諸嘔吐穀不下小半夏湯似嘔似噦似喘心中澼澼生薑汁半夏湯大小橘皮湯○傷寒屢經吐下寒氣隔塞食入口即吐乾薑黃芩黃連人參湯○汗後水藥不入口者逆半夏茯苓湯○嘔吐膿血見吐血條

吐血

吐血諸陽受熱邪 表之不發咎鑿家
因而熱毒流於臟 地血三黃數劑嘉

諸陽受熱其邪在表當汗不汗致使熱毒入臟積瘀於內遂成吐血蓋傷寒失汗則邪熱化為惡血或蘊毒不除亦能蒸腐其血凡眼閉目紅神昏語短心忪痛悶眩冒迷忘漱水燥煩嘔吐喘促驚狂譫語鼻衄唾紅背冷足寒骨熱膚閏四肢厥逆多汗頑痰胃脇小腹滿急大便黑而微利小便多而不禁此等皆瘀血證也男女均有此血脉婦人傷寒尤多見之以其得病於經水來去之期或受病中間經水適至耳血

之為病大抵夜重日輕或晝明了而暮譫語血屬陰
從其類也前證不必悉具但見其一二分曉便作血
證主張犀角地黄湯小柴胡湯桃仁承氣湯三黃湯
丸酌量輕重用瘀血結其抵當湯丸主之諸湯皆以
川芎為佐取盡大便黑物則佳雖然傷寒咯血猶難
救療况吐血乎凡吐血皆非美恙初病猶可用工有
陸續而來或經數時而復吐者斷不可救藥也

○方藥詳見解題通用蘿蔔汁一小盞入新汲水煎

茅花主之血熱者黃連阿膠湯證治論用地血散
皮湯三黃瀉心湯○大下後寸脉沉遲尺脉不至咽
喉不利唾膿血者麻黃升麻湯此有兩證一陽毒一
少陰在陽毒則或用陽毒升麻湯在少陰則或用甘
梗湯加半夏生薑汁○服桂枝湯吐者其後必吐膿
血犀角地黄湯○非傷寒證而吐血者與蛤粉散若
虛勞咳嗽吐血口苦咽乾真黃耆湯主之

衄血

衄血膀胱病欲瘳

脉微發表病家愁

緊而無汗麻黃進

浮緩漿漿以桂投

經絡熱盛陽氣擁重迫血妄行出於鼻者為衄其熱在表也是雖表熱邪猶在經然亦不可發汗汗之則額上陷脉緊急直視而不得卧古人戒之所以無汗用麻黃有汗用桂枝者非治衄也散其經中邪氣耳若邪氣不得發散擁迫於血而衄復不止也太陽衄血固為飲解或有衄血不止但頭面汗出其身無汗

及發汗不至足者又為惡證當明辨之

○太陽證衄血及服桂枝湯後致衄者皆陽氣盛長
病欲解也屬犀角地黄湯○衄而脉微不可發汗與
犀角地黄湯黃芩芍藥湯衄不止茅花湯○無汗而
衄脉尚浮緊可再與麻黃湯○有汗而衄脉尚浮緩
可再與桂枝湯○衄而煩渴欲飲水水入即吐者先
服五苓散次服竹葉湯○陰證本無衄若少陰厥而
無汗強發汗必動血血從耳目口鼻而出是為下厥

上竭不可治治要方用黑錫丹○千金云凡時行衄
血不可斷之如或過多即可斷以龍骨末吹入鼻九
竅出血通用○陽明發熱口燥漱水者必衄見漱水
條謹不可汗

膿血

下膿血室必譫言

濕毒無如腸垢鮮

消穀糞堅臍下蓄

膀胱熱結六條全

凡衝脉為血之海即血室也男女均有此血氣亦均

有此衝脉衝之得熱血必妄行在男子則為下血譌
語在婦人則於經水適來適去之時經氣尚虛邪乘
虛入或熱退而胃滿譌語或蓄血而寒熱似瘧皆謂
之熱入血室私竊怪夫世俗常談凡病皆先調氣而
血之一字念不到焉其間一二亦知理血則曰婦人
有之不思血氣即陰陽也負陰抱陽中兩間而為人
誰獨無此血氣哉否則張朱之書所謂桃仁承氣湯
抵當湯凡之類是特為婦人設耳然而血證之脈何

如曰挾血者脉來乍澁乍數閃灼明滅或沉細而隱
伏也若夫血熱交攻則寸關洪盛大抵多於左手見
之左手主血固如是爾經云血上逆則忘血下蓄則
狂下焦蓄血小便必自利血結之處又當以此推之
外證具于吐血汗解

○陽明病下血譫語或胃脘滿如結胃暮夜如見怪
狀此為熱入血室頭汗出者刺期門以瀉肝若不刺
合用小柴胡湯加生地黃枳殼梔子仁○腹痛身熱

下膿血如魚腦如爛肉汁曰濕毒桃花湯地榆散黃
連阿膠丸治要方用胃風湯加木香或除濕湯○熱
氣乘虛入於腸胃臍下有熱泄汗赤黃白腸垢黃芩
湯白頭翁湯藥皮湯○無表裏證已下後脉數不解
消穀易飢多日不大便此有瘀血桃仁承氣湯抵當
湯或小柴胡加桃仁大黃又脾約證胃熱消穀有本
條○下焦蓄血其人如狂小腹結急小便必自利與
抵當丸或小柴胡加桃仁大黃抵當湯大峻合用者

只與抵當丸○太陽病不解熱結膀胱其人如狂而血自下下者愈不愈用桂枝湯○瘀血炙甘草半錢川芎香附倍之枳殼又倍之新汲水煎入醋下○失血少血或尺脉遲或諸脉不出湯劑中須以人參為佐

期門即三焦之府取穴以病人中指中節為寸令仰卧從臍心正中向上五寸以墨點定從墨點兩邊橫量各二寸半大約直兩乳是期門穴也針入四分此

證治論穴法可與咳逆條乳下穴參用

發黃

發黃尿秘引清漿

便黑尿多血證黃

身熱盡疼為中濕

鼻乾腹滿胃風傷

發黃者濕氣在裏復瘀熱於脾胃蒸濕不散而得之
或病屬陽而用溫內熱而被火亦發黃也濕氣勝則
如熏黃而晦熱氣勝則如橘黃而明傷寒至於發黃
單陽無陰病勢已極不可以尋常目之如所謂寸口

無脉鼻出冷氣如所謂形如煙熏搖頭直視如所謂
環口黑柔汗發黃不治者亦多矣然而發黃之與
瘀血大抵相類又何以辨之曰小便不利者為黃小
便自利則瘀血也○千金云酒疸下之終為黑疸土
瓜連根搗取汁效

○黃痺證脉浮滑而緊數尿秘頭面汗出及頸而止
渴引水漿茵陳湯五苓散夾和茵陳湯或五苓散下
酒蒸黃連圓○血證發黃如狂小便多大便黑桃仁

承氣湯犀角地黄湯抵當圓○太陽中濕發黃身熱
盡痛頭汗目黃蓋寒濕在裏致之可五苓散梔子蘗
皮湯若欲解散則用麻黃連翹赤小豆湯餘見中濕
條中濕與發黃不利小便非其治也○陽明傷風發
黃易飢氣短腹滿鼻咽乾心脇痛小便難潮熱咳嗽
咽痛息短頭弦嗜卧脉弦浮大小柴胡加伏苓○初
發黃急用瓜蒂末口含水搐一字許入鼻中出黃水
次服茵陳五苓散

發斑

斑如溫毒黑膏良

熱病重陽別有方

裏實表虛因發出

若還發汗愈增瘡

病證屬陽誤投溫藥或當汗不汗或當下不下或汗下未解陽熱內然蒸漚外迫熱毒入胃皆致發斑蓋熱必傷血血熱不散裏實表虛由是熱氣乘虛出於皮膚輕則如疹子重則如錦紋是爾斑家謹勿發汗汗之重令閔泄瘡爛又加多也凡斑畧見一二須早

圖之日子稍延獨陽絕陰不可救藥其發黑斑者熱
劇胃爛無及矣然而斑之方萌與蚊迹類焉又不可
誤用藥也發斑多見於胃腹蚊迹多在手足之間關
前陽脉洪大病人昏潰先紅後赤者斑也陽脉不洪
病人自靜先紅後黃者蚊也發斑屬陽陽毒具而陰
脉形或大便自利或怫鬱氣短而燥糞久不得通虛
扁復生莫能施其巧

○溫毒發斑冬月冒寒至春間陽氣盛則發病經吐

汗下而表未解毒未消也黑膏主之肌肉斑爛咳而
心悶下利嘔吐清汁下部瘡或口瘡黃連橘皮湯葛
根橘皮湯○熱病發斑時氣發斑大青四物湯猪膽
雞子湯○陽毒曰重陽發斑有本條○咽痛者玄參
升麻湯○發斑通用升麻葛根湯敗毒散犀角地黄
湯熱多者玄參升麻湯加生姜烏梅又黃連一物湯
青木香一物湯可擇用有下證者少與調胃承氣湯
孫兆用紫靈一劑證治論用白虎加人參湯○發斑

湯劑須以紫草川芎為佐血熱內結者與小柴胡湯
○發斑小點稀疏色常鮮紅者易治或如錦紋隱起
餅搭者難治若初發色紅漸次微黯良久黯又轉甚
面色肌肉黧晦者斷不可救初發便如黑誌者亦然
赤斑五死一生黑斑十死凡內外熱熾汗下不解煩
悶咳嘔足冷耳聾便是發斑之證

舌白胎

舌胎大熱療應難 利腹疼兮嘔惡寒

慎懷脇堅并中濕

更兼臟結六條看

病家邪氣在表舌上無胎目傳入裏津液結搏則舌
生白膜如胎之狀是亦丹田有熱也熱初傳裏其舌
胎滑熱氣漸深其舌胎澁熱聚於胃舌為之黃若舌
間黑色則病已深而熱已極矣經云熱病口乾舌黑
者不治蓋舌屬心心屬火黑者腎家賊熱所勝五臟
反尅其能生乎

○尺寸脉緊口中熱氣而乾燥足冷蹇卧鼻中涕出

舌上胎滑勿妄治也到七八日以來微熱手足溫為欲解或七八日以上反大熱者難治若腹痛者必欲利與理中湯若惡寒者必欲嘔與小柴胡湯加人參括婁根○太陽誤下胃中空虛客熱動膈懊懣舌胎梔子豉湯或陽明證具其脉浮緊下之而懊懣舌胎用藥同○陽明脇下鞭滿不大便而嘔舌上白胎小柴胡湯○陽明中濕舌上生胎以丹田有熱胃中有寒濕也五苓散主之○臟結亦屬陽明舌上白胎有

本條○舌黃者法當下之舌黑者不治

口燥咽乾

口燥陽明背乍寒

人參白虎療咽乾

少陽專以柴胡治

腎證應須急下安

脾胃有熱津液涸少所以口燥舌乾然而口中乾燥汗之將何如曰汗之重無津液其咽乾者尤不可汗也治法固自有條或依條用藥而口中尚更不和則當以瘀血推之蓋焦煩漱水口燥唇乾血證有之矣

○陽明口燥咽乾無大熱背微惡寒煩渴白虎加人參湯渴欲飲水者用藥同○少陽口燥咽乾小柴胡湯○少陰口燥咽乾而渴者急下之用承氣湯○血證口燥唇乾見漱水條○狐惑咽乾唇瘡聲啞有本條

煩燥

煩燥來時熱氣升

陰為陽勝太陽經

陽明躁糞連臍痛

腎候陽虛陰燥乘

心主火腎主水心熱則煩腎熱則燥此通論也傷寒煩燥則有陰陽虛盛之別焉陰虛而陽勝則為煩陽虛而陰勝則為躁有先煩而漸加躁者有先躁而後復煩者煩其熱之輕燥其熱之甚也或邪在表或邪在裏或陽勝或陰勝或火邪條例不一當詳審而調理之設若結胃證具而煩燥吐利四逆而煩燥下利發熱厥逆而燥不得眠惡寒踈攣脈不出而燥此皆不治之證或者見幾而作聲之可乎

○太陽證煩燥寸關脉浮數身熱是也風寒俱盛其脉浮緊無汗而煩燥當汗不汗其人煩燥並用大青龍湯心中悸而煩燥小建中湯熱六七日渴欲飲水五苓散無熱但狂言煩燥五苓散水調服刺吐之自汗心煩小便數不可與桂枝湯只用芍藥甘草湯服桂枝後汗出煩渴甚脉洪大白虎加人參湯○陽明證煩燥以多日不大便有躁糞故遶臍痛而煩燥也以承氣湯隨輕重用○少陰證煩燥尺寸俱沉厥冷

自利是也心煩不得卧黃連雞子湯黃連阿膠湯吐
利厥逆煩躁欲死吳茱萸湯伏苓四逆湯下利咽痛
心中煩滿猪膚湯下利嘔嘔煩渴不得眠猪苓湯惡
寒而踈時時自煩欲去衣被大柴胡湯○太陽病以
火熏之而不得汗亦致煩燥或火熨其背令人汗出
大熱入胃而煩燥並黑豆煎湯解之○汗後煩不得
眠欲水者少與之小便不利與五苓散○下後晝煩
夜靜不嘔不渴無表證脉沉微乾薑附子湯若兼懊

懷即與梔子豉湯發汗若下之病仍不解而煩燥伏
苓四逆湯吐汗下後虛煩心下痞滿氣上衝胃頭眩
經動身為振搖伏苓桂枝白术甘草湯虛煩附入胃
滿條○瘥後胃弱不能勝穀亦致微煩減穀則愈仍
與小柴胡湯○陰極發燥或陰毒用火熨灸及投熱
藥以致發燥者並不可誤用涼藥燥甚仍與熱劑用
四逆湯返陰丹○陰盛隔陽身冷大燥欲飲水不入
口不得睡脉細沉緊有本條

渴

渴為浮脉太陽臨

汗是陽明利少陰

陽毒熱多并中暑

其人引飲喜盃深

熱氣薰蒸津液耗少所以發渴熱邪深淺條例不同
然是渴者大抵裏有熱也或曰六經外證獨少陰曰
渴厥陰曰煩何耶少陰屬腎主水熱氣既深腎水易
竭安得而不渴厥陰屬肝心之母也病主消渴飲水
多而小便少是其裏熱已極子氣乘母於是挾心火

以為煩惟煩則消矣凡渴證用藥並去半夏以其性燥而逐水也若先嘔後渴則為欲解當與之水先渴後嘔則為水停心下屬赤伏苓湯故併述之

○太陽發渴則脉浮表不解心下水氣小青龍湯去半夏加括蕒根服桂枝湯汗出後煩渴甚者白虎加人參湯小便不利而渴五苓散身熱惡風手足溫脇滿而渴小柴胡去半夏加人參括蕒根太陽病無汗而渴勿用白虎湯可小柴胡若得汗後脉洪大而渴

可少與白虎湯○風溫灼熱而渴拈萎根湯○陽明
發渴則有汗脇下鞅不大便而嘔舌上白胎小柴胡
去半夏加人參拈萎根陽明病汗多而渴勿用五苓
散可竹葉湯若汗少小便不利脉浮而渴與五苓散
一云猪石湯然本方內有阿膠滑石其性尤利又當
審之發黃證頭汗出小便不利渴引水漿茵陳湯茵
陳五苓散○少陰發渴則自利咳而嘔引水飲猪苓
湯下利而渴欲飲白頭翁湯脉微細欲吐不吐心煩

但寐小便白下利而渴四逆湯○陽毒大熱大渴黑
效圓主之○中暑渴者白虎加人參湯若渴不已與
酒蒸黃連圓○渴欲飲水水入則吐曰水逆五苓散

漱水不嚥

漱水陽明衄血時

頭疼口燥熱生肌

發狂瘀血無寒熱

犀角桃仁類例推

唇燥口乾血證類有之必欲取水而灌漱也然漱水
而不飲水何哉蓋渴者易為飲陽熱入裏胃中液乾

患不與水耳惟夫上焦瘀血下焦蓄血乘肺發燥渴證獨無是以漱水而不欲下咽也漱水條例惟血證有焉

○陽明身熱頭疼口躁漱水不欲入咽必衄血脉微者犀角地黄湯棠花湯○無表證不寒熱胃腹滿唇躁口乾漱水不嚥小便多此為瘀血必發狂輕者犀角地黄湯桃仁承氣湯甚者抵當圓取盡黑物為度可與水

可水除煩使胃和

常須少與勿令多

若還不與無由汗

強與還因水致病

病非大渴不可與水渴不與水無由作汗則喘而殂也傷寒飲水是為欲愈之候若渴者與之過多或小便而強與之飲腹中熱少一不能消停飲作害者多矣曰水結曰喘悸曰咳噎曰嘔噦曰腫滿曰下利曰小便不利安有不自水氣得之診視又當識此

○太陽病發汗後大汗出胃中燥不得眠其人欲飲

水當少與之胃和則愈○厥陰病渴欲飲水者與水則愈○霍亂發熱頭痛身疼熱多飲水者與五苓散○嘔吐病在膈上後必思水者與猪苓湯○水逆證見嘔吐條○水結證見頭汗出條○飲水多水停心下氣上乘心則為悸水氣結於胃脇則為水結胃胃中虛冷則為嘔噦冷氣相搏為噎上迫於肺則為咳喘漬入腸中則為下利邪熱所搏畜於下焦則為小便不利小腹滿而裏急溢於皮膚則為腫痛○飲水

過多者五苓散導之

小便自利

小便自利血相干

蜜導陽明腎證寒

脾約讖言脚攣厥

太陽汗下大便難

小便自利非血證則腎虛也惟血證則小腹結而如
狂惟腎與膀胱俱虛則不能約制水液是二者小便
皆自利也若腎虛而挾熱焉故乍瀝乍旋謂之小便
數

○傷寒下焦有熱小腹必滿應小便不利今反自利者此血證也法當下之又有病在太陽遍身發黃其脉沉結小腹雖堅而小便不利此則非血若或小便自利其人如狂血證諦矣下之抵當湯圓○陽明自汗應小便少而反自利者津液竭也糞雖硬但以蜜導猪膽汁亦可以導○少陰四逆小便自利為虛寒用四逆湯或真武湯去茯苓若小便白亦是下焦寒與四逆湯○小便數大便鞭此為脾約脾約圓麻仁

圓主之張氏云趺陽脉浮而濇浮則胃氣強濇則小便數是為脾約趺陽胃脉也此證消穀引飲蓋胃壯而熱矣○傷寒脉浮自汗小便數若胃不和而譫語少與調胃承氣湯○太陽自汗四肢拘急心煩微惡寒脚攣急小便數誤服桂枝得之便厥可與甘草乾薑湯芍藥甘草湯○太陽吐汗下後小便數大便因鞭小承氣和之○小便尿血證治論用延胡索散

遺溺

遺溺風溫戒利腸

腹澎身重合三陽

下焦不攝兼停血

腎絕狂言五證詳

水液之餘者入胞而為小便胞中虛寒不能約制水液加以邪氣乘之故旋溺自遺而不禁也

○風溫脉浮自汗體重多眠鼻鼾喘息恬不欲言誤下則小便不利直視失溲○三陽合病腹滿身重口中不仁而垢譫語遺尿並不可汗下少與白虎湯○膀胱瀦水下焦不攝則亦遺溺經云邪中下焦陰氣

為慄足膝逆冷便溺妄出合用四逆湯○下焦蓄血
小腹結急小便自利不禁輕者桃仁承氣湯重則抵
當湯圓○狂言直視遺尿腎絕不治

小便難

小便汗竭胃乾空 多汗陽明並戒通

引飲濕黃須要利 澁難虛熱客胞中

汗自外泄津液中乾此小便所以不通也或陰虛而
陽湊之小腸伏熱亦令旋溺赤黃數且難矣素問曰

陽入陰分則膀胱熱而小便難其謂是乎多汗者以利小便為戒伏熱者以涼劑行之若夫中濕發黃不利小便非其治也

○發汗多亡津液胃中乾小便不利及陽明汗多小便不利者並不得利之小便自利則愈○引飲過多下焦有熱小便不利脉浮者五苓散脉沉者猪苓湯○中濕發黃家並與利小便○小便難者陰虛而陽湊之故小便黃為下焦熱以瞿麥滑石輩利之木通

散亦可太陽汗後漏不止而惡風四肢急小便難桂
枝加附子湯陽明中風脉浮弦大身黃烏乾氣短腹
滿潮熱時噦心脇痛嗜卧小便難小柴胡加茯苓○
表有水氣身熱而咳表不解心下停水小腹滿小便
不利小青龍湯去麻黃加茯苓汗下後發熱頭項強
痛無汗心下滿微泄小便不利桂枝湯去桂加茯苓
白朮嘔而發熱胃脇滿心下怔忡小便不利小柴胡
去黃芩加茯苓少陰虧小便不利四逆散加茯苓

○瘥後腰下有水氣牡礪澤瀉散主之

大便下利

利惟膽胃負時殂

不渴脾寒渴腎虛

腸垢鴨瀉并濕毒

讖言備載古人書

下利須別陰陽三陽下利身熱太陰下利手足溫少
陰厥陰下利身涼無熱此大槩也自利不渴小便色
白脉微清穀厥冷惡寒凡此皆寒渴欲飲水尿色如
常泄下赤黃發熱後重凡此皆熱要之風邪入胃木

來勝土故大腸暴下其裏虛協熱者下利尤多或解
散或和解或攻泄或溫中或固下焦或利小便隨證
有條但不容發汗蓋邪氣內攻若外復泄其津液則
胃氣轉虛必脹滿矣然則下利之脈何如曰身涼脈
小者順身熱脈大者逆大則為虛微弱則自止滑而
數者是又有宿食也若夫下利讖語而目直視下利
厥燥而不得眠下利發熱汗不止或厥不止下利厥
冷無脈灸之身不溫而脈不回下利日十餘行其脈

反實皆邪擁正氣而下脫五奪之最急者也雖有工巧將焉用哉

○太陽陽明合病下利頭疼目疼鼻乾脉浮長葛根湯○太陽少陽合病下利頭疼胃滿乾嘔脉浮弦黃芩湯嘔者加半夏生薑○少陽陽明合病下利身熱胃脇滿乾嘔往來寒熱脉長大而弦為負負者死但長大而不弦為順又脉滑而數則有宿食小承氣湯下之遲而滑者亦少下之○太陰自和不渴四逆湯

理中湯朮附湯○少陰自利必渴腎虛引水自救脉微者白通湯厥逆無脉白通猪膽汁湯通脉四逆湯若渴而嘔嗽心煩不得眠猪苓湯自利清水色青心下必痛口中乾燥此不可溫須下之用大承氣湯三陰下利法當用溫若自利清水心下痛口乾燥須下之下利發渴屬少陰固也然三陽亦有飲水者乃有熱也○協熱利者曰腸垢臍下必熱便中垢膩赤黃或飲水乃熱也黃芩湯白頭翁湯薛翁湯此證惟黃

苓最妙凡協熱下利通用之○胃寒利者曰鴨溏臍
下必寒腹脹滿便中黃白青黑或清穀四逆湯理中
湯白通加附子湯寒毒下利面戴陽者下虛也○濕
毒利者腹必滿下膿血如魚腦如爛肉汁桃花湯地
榆散黃連阿膠湯或用除濕湯胃風湯加木香○下
利讞語有燥屎也脉不微細可下之用小承氣湯○
三部脉平心下硬而下利者腸胃有積結也急下之
○下利心下痞者詳見痞條○陰毒陽毒亦有下利

有本條○下利身痛腹滿清穀急救裏用四逆湯服藥後清穀止但身痛者急解表用桂枝湯○固下焦利小便方論見痞條風邪入胃下利熱則敗毒散冷則不換金正氣散或加乾姜木香○假如他病腸風失血崩中漏血之人繼而下利大腸裏急痛不可忍雖與巴粉取積已行疎導其痛獨存者此非積也榮血虧少陽剛勝陰故爾後藥當以川芎為佐榮氣一調其痛立止設或小便不通五苓散不能作效當以

分心氣飲加川芎麥門冬與之自然快利或蘊熱血痢腹中痛甚踈通滌熱痛未得平亦當為之調血

霍亂

霍亂渴來用五苓

寒多不水理中尋

憎寒厥熱姜甘附

中暑焦煩腹痛侵

張氏但稱吐利者非霍亂也霍亂邪在中焦以飲食無節居處不常得之夾食傷寒陰陽乖隔上吐下利而燥擾痛悶是其候爾偏陽則多熱偏陰則多寒卒

然而來危甚風燭許仁則謂濕霍亂死者少乾霍亂死者多蓋以所傷之物或因吐利而出泄泄盡則止其死少也未上不得吐下不得利所傷之物擁閉正氣關隔陰陽煩燥喘脹其死多也夫飲食起居當以此為戒○霍亂吐利熱多而渴五苓散○寒多而不飲水理中湯圓或有寒腹滿而痛四肢拘急轉筋下利者劉理中湯加生附子官桂○吐利汗出發熱憎寒手足厥冷拘急其脉沉細四逆湯○中暑霍亂煩

燥大渴心腹撮痛四肢冷冷汗出脚轉筋香需散千
金云轉筋者用理中湯加煨石膏○汗後霍亂雖吐
利已止而身痛不休少與桂枝湯吐利已止汗出四
肢厥而拘急脉微欲絕通脉四逆加猪膽湯○霍亂
通用霍香正氣散腹痛加桂痛甚去霍香加茱萸小
便不利加茯苓瀉而不吐除濕湯加桂吐而不瀉除
濕湯去蒼朮加桂丁香○乾霍亂心腹作痛欲吐不
吐欲下不下先以鹽湯一盞頓服候吐出令透即以

劉理中湯倍加橘紅與之凡氣痞于中不吐不瀉害
人甚急可蘇合香圓用枳殼散下或用霍香正氣散
加官桂茯苓倍加枳殼大抵風雨寒濕邪自外入霍
香正氣散除濕湯為要飲食居處邪由內發治中湯
主之其或吐瀉不止面青厥冷者震靈丹研開木香
乾姜煎湯調下○大柴胡湯一證云發熱汗出不解
嘔吐下利而心中痞者大柴胡主之此則非霍亂也

失音

失音發瘥反張弓

狐惑唇瘡啞似聾

風濕血迷并舌卷

更兼中暑語難通

言心聲也而聲音道路出於喉嗌肺亦主之若風若痰若血若熱與夫邪毒之氣伏於心竅或滯於喉間皆令人失音或語短而聲蹇澁也活人書惟有發瘥狐惑條例風濕而下諸家之正說附焉○瘥證口噤頭搖掣癢不語項強背直腰身反張有本條○狐惑即濕蛩也蟲食下部為狐下唇有瘡其咽乾蟲食其

臟為惑上唇有瘡其聲啞有本條○風濕內有一證
緩弱昏迷腹滿身重自汗失音下利不禁白通湯加
白朮甘草○血證心忪語短眩冒迷忘詳見吐血下
膿血條○厥陰舌卷囊縮毒氣入臟或有不語此用
小承氣湯○伏暑發熱汗渴暑入心胞絡亦或不語
此用小柴胡湯熱渴甚者用竹葉湯○風纏喉噤不
語細辛皂角末入鼻通關次用南星略炮加生薑紫
蘇熟煎與之

失音亦須調導大小便



仁齋傷寒類書卷五